

• •

Սեպտեմբերի 22-ին, չորեքշաբթի.—Այսօր ուխտավորաբար Բուխարեստից Մայր Աթոռ է ժամանում ծանոթ մտավորական Հակոբ Սիրունին՝ որպես Վեհափառ Հայրապետի հյուրը:

• •

Սեպտեմբերի 17-ին, ուրբաթ.—Այսօր, առավոտյան ժամը 12-ին, Վեհափառ Հայրապետը Վեհաբանում ընդունում է այցելությունը ԱՄՆ-ի եկեղեցական երիցական միացյալ եկեղեցու Էկումենիկ ստաբիլության և ճարարերությունների հանձնաժողովի անդամ և Էկումենիկ կապերի խորհրդական Նորման Ա. Հորների:

Հարգելի հյուրն այնուհետև լինում է Մայր տաճարում, այցելում հոգևոր ճեմարան, «Էջմիածին» ամսագրի խմբագրություն և Մայր Աթոռի տպարան:

• •

Սեպտեմբերի 25-ին, շաբաթ.—Այսօր Ամերիկայի Միացյալ Նահանգներից ուխտա-

վորաբար Մայր Աթոռ է ժամանում տ. Տիրան արքեպ. Ներսիսյանը:

Մայր տաճարում իր աղոթքն ու ուխտը կատարելուց հետո Վեհաբանում Հայոց Հայրապետին է ներկայանում տ. Տիրան արքեպիսկոպոսը:

Նույն օրը, ժամը 12-ին, Մայր Աթոռ է այցելում մարշալ Համազասպ Բարաջանյանը:

Վեհափառ Հայրապետի և բարձրաստիճան գինվորականի միջև տեղի է ունենում ջերմ գրույց՝ սրտագին մթնոլորտում:

• •

Սեպտեմբերի 26-ին, կիրակի.—Տօն է Վարազայ սրբոյ Խաչի.

Մայր տաճարում ս. պատարագ է մատուցում տ. Ժիրայր վրդ. Թաշնյանը և «Հայր մեր»-ից առաջ քարոզում «Այլ ինձ քա լիցի պարծիլ, քայց միայն ի խաչն Տեսուն մերոյ Յիսուսի Քրիստոսի» բնարանով:

Ս. պատարագին ներկա էր Վեհափառ Հայրապետը:

